

Ekselencije,

Uvaženi gosti,

Dame i gospodo,

Velika mi je čast poželjeti vam svima dobrodošlicu večeras, kako bi skupa proslavili 84-ti rođendan Njegovog veličanstva, japanskog cara Akihita.

Odavno već, jednako kao i ovih dana, car i carica su izuzetno aktivni, uprkos svojim godinama, posjećuju različite institucije i škole, kako bi pružili podršku i ohrabrenje ranjivoj populaciji, osobama s posebnim potrebama.

Mi, narod Japana, osjećamo veliku zahvalnost prema njihovim veličanstvima, zbog napora koje čine, a njihove aktivnosti ćete moći vidjeti kasnije na ekranu s moje lijeve strane.

Dvije i po godine su prošle od mog dolaska u Sarajevo. Prošle godine smo proslavili 20 godišnjicu bilateralnih odnosa naše dvije zemlje. Želio bih raditi na daljem jačanju bilateralnih odnosa, kroz realizaciju posjeta na visokom nivou, kao i promociju japanskih investicija i kulture.

Iznimno mi je zadovoljstvo da je gospodin Crnadak, ministar vanjskih poslova BiH, realizirao svoju službenu posjetu Japanu, prošlog mjeseca. Posjeta je bila izuzetno uspješna. Ministar Crnadak je imao vrlo produktivan sastanak s ministrom vanjskih poslova Japana, gosp. Taro Konom. On se također sastao sa predstavnicima Parlamentarne grupe prijateljstva između Japana i BiH, te održao predavanje na jednom univezitetu u Tokiju. Ministar Crnadak je posjetio i grad Hiroshimu, gdje se susreo s gradonačelnikom.

Odnosi Japana i BiH se takodjer jačaju putem sporta. Kako bi nagradili gosp. Osima za njegov doprinos razvoju japanskog nogometa, japanska vlada mu je u decembru prošle godine dodijelila Orden izlazećeg sunca. Zahvaljujući gosp. Vahidu Halilhodžiću, treneru japanske nogometne reprezentacije, Japan se uspio plasirati na Svjetsko prvenstvo u Rusiji 2018. U Tokiju će se 2020 godine održati Ljetne Olimpijske i Paraolimpijske igre. Pet novih sportova, karate, bejzbol/softbol, surfanje, sportsko penjanje i vožnja skateboarda će biti uključene u sportski program. Iskreno se nadam da će BiH sportisti dati svoj maksimum na Olimpijskim i Paraolimpijskim igrama u Tokiju.

Za vašu informaciju, na ulazu ove sale se nalazi brošura o Tokiju.

Slobodno je možete uzeti.

Na kraju, želio bih pomenuti tri stvari. Mi danas izlažemo i služimo japanski sake, kao i japansku rižu iz ovogodišnje žetve. Koristeći ovu svježu japansku rižu, danas poslužujemo sushi koji je pripremio moj kuhar u rezidenciji. Drugo, ambasada je pripremila specijalni pamflet, pod nazivom “Kizuna”, u prijevodu prijateljske veze između Japana i BiH, koji pokazuje istorijat bilateralnih odnosa, a pomenuti su i ugledni ljudi iz BiH u Japanu, kao i mnoge druge zanimljive teme. Takodjer, ovo izdanje možete naći na engleskom i lokalnom jeziku, na ulazu ove sale.

Treće, više japanskih kompanija izlaže svoje najnovije proizvode, kao i prošle godine.

To su Sony, Panasonic, Konica-Minolta, Toyota, Olympus, Shmiadzu i Takeda.

Ekselencije,

Uvaženi gosti,

Dame i gospodo,

*U ovoj posebnoj prilici, želim izraziti moje iskrene želje za dugovječnost
njegovog Veličanstva, japanskog cara, kao i sreću i dalji prosperitet
naroda BiH.*